



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 115. Principum Protestantium Oratores pro Calvinistis apud Regem supplices.

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

Sæcul. XVI.
A.C. 1559.

§. CXV.

*Principum Protestantium Oratores
pro Calvinistis apud Regem
supplices.*

*Thuan. l. 22.
num. 7.*

Interea Calvinus ex Genevensibus latebris factioni suæ, quæ indies in Galliis numero excrescebat, conservandæ sedulo invigilabat, quapropter Germaniæ Protestantes sollicitabat, ut datis ad Henricum II. Regem literis eundem rogarent, quatenus suæ sectæ alumnos, quibus carceres erant repleti, paulo mitius haberet: quinimo eodem tempore Legati a Protestantibus Germaniæ Principibus ad Regem venerunt cum literis Friderici Comitis Palatini, Augusti Saxoniae Ducis, & Joachimi Brandenburgici septemvirorum: afferbantur quoque literæ Christophori Wirtembergici, & Wolfgangi Veldentii comitis manu subscriptæ, quarum hæc summa erat: „intelleximus magno nostro „cum dolore, plerosque viros pios, ac „pacis studiosos, qui eandem, quam „nos, Religionem profitentur, in Gallia tanquam seditiosos, ac publicæ „quietis turbatores in carcerem trudi, „bonis exui, in exilium agi, atque etiam „supremo supplicio affici, qua de causa „ad te Christianissime Rex misimus, ex „Christiana charitate, & amicitia, quæ nobis

Sæcul. XVI.
A. C. 1559.

„nobis tecum, ac Regno Galliæ inter-
 „cedit, impulsi, ac rogamus, ut Ma-
 „jestas vestra de causa hac, in qua Dei
 „nomen, & salus tot animarum verti-
 „tur, trutinatis maturo iudicio rati-
 „bus decernat, nec ullo præiudicio
 „mentem præoccupari patiatur: Nos
 „vero de Dei Gloria, ut pios Principes
 „debet, & de nostra, ac nostrorum sa-
 „lute solliciti non minus quam ipsemet
 „Rex, exortis de Religione tumultibus
 „rationem, qua res componi posset,
 „diligenter inivimus, & dum serio in
 „id incumbimus, compertum habui-
 „mus, quod multa sensim per avari-
 „tiam, & ambitionem in Ecclesiam ir-
 „repperint, quæ ad Dei contumeliam
 „vergunt, & offensionis causam præ-
 „bent.

„Ex his illi hæc inferebant: pravi
 „ergo ejusmodi usus Sacræ Scripturæ
 „testimoniis argui, & ex antiquorum
 „Conciliorum decretis, ac prioris ævi
 „Patrum auctoritate emendari debent,
 „nam neque heri, aut nudius tertius
 „de corruptis Curie Romanæ moribus,
 „& depravata disciplina institutæ sunt
 „querelæ, cum jam ante multos an-
 „nos in Galliis audita, & nota fuerint
 „ea, quæ Guilielmus Parisiensis, Joan-
 „nes Gerson, Nicolaus Clemangius, &
 „alii Theologi de iis scripserunt. Id

Sæcul. XVI.

A.C. 1559.

„quoque prævidit beatæ memoriæ
 „Franciscus Parens tuus, qui optime
 „consultus negotium de conciliandis
 „Religionis dissidiis, & Ecclesiastica
 „disciplina corrigenda aliquando susce-
 „perat: hæc igitur cura est digna Re-
 „gis a tanto Patre progeniti; hinc ora-
 „mus, ut operam des, quatenus, dum ab
 „armis externis Gallia quiescit, dissensio-
 „nes domi propter Religionem exortæ
 „tua auctoritate, & interventu amice,
 „ac pacate componantur. Hujus rei non
 „aliam rationem videmus, quam si vestra
 „Majestas confestim viros idoneos, &
 „tranquillitatis amantes deligat, qui de
 „hac causa citra odium cognoscant, &
 „fidei confessionem, quam exhibemus,
 „ad Sacræ Scripturæ, ac veterum Pa-
 „trum regulam exigant, & examinent.
 „interea vero judiciorum severitas in-
 „termittatur, atque illi, qui in carceris
 „pœdore confenescent, emittantur, exu-
 „les revocentur, & bonis exuti resti-
 „tuantur: nam ita faciet vestra Maje-
 „stas rem Deo acceptam. sibi honorifi-
 „cam, ac Regno utilem, nobis vero,
 „qui deprecatum pro miseris hominibus
 „tanquam pro communi causa legatos
 „ad te misimus, gratissimam, ob quam
 „non parum tibi debitori sumus.

§. CXVI.